

**PROGRAM RADA  
OPĆINSKOG NAČELNIKA  
za 2015.godinu**

**Sarajevo,decembar 2014.godine**

1.

## **I - UVODNI DIO**

Program rada Općinskog Načelnika za 2015.godinu sadrži osnovne zadatke i aktivnosti koje direktno proizilaze iz Ustava, Zakona i Statuta Općine Stari Grad Sarajevo.

Ovim Programom Općinski Načelnik utvrđuje politiku Općine Stari Grad Sarajevo koja se, sa aspekta zakonom i ostalim aktima utvrđenim nadležnostima Općinskog Načelnika, planira realizovati u predstojećoj godini.

Osnovni principi postupanja i rada u 2015.godini temeljit će se na obavljanju i vršenju poslova iz domena lokalne samouprave definisanim Zakonom o principima lokalne samouprave u Federaciji Bosne i Hercegovine, izvršavanju Zakona i sprovođenju općinskih Odluka te što boljoj i kvalitetnijoj saradnji izvršne vlasti – općinskih službi / sektora sa Općinskim vijećem, institucijama i organizacijama, udruženjima i građanima naše Općine.

Rad Općinskog Načelnika i općinskih službi / sektora u svojoj konačnici znači i djelovanje u interesu stanovništva općine što podrazumjeva i visok stepen odgovornosti.

Po svom karakteru ovo je planski akt kojim se nastoje predvidjeti buduće aktivnosti i djelovanja s tim što njihova konačna realizacija, pored zalaganja i rada Općinskog Načelnika, Općinskog vijeća kao i općinskih službi / sektora, u velikoj mjeri zavisi i od niza objektivnih okolnosti koje se vrlo često nisu u mogućnosti predvidjeti, a koje budu prisutene u periodu koji je pred nama.

Ovaj Program utemeljen je na određenim procjenama do kojih se došlo prije svega izvršenom analizom rezultata klonji su ostvareni u dosadašnjem radu, Strategiji razvoja Općine, planiranom Budžetu Općine za 2015. godinu, kao i drugim elementima čije sagledavanje se nameće kao nužnost prilikom sačinjavanja dokumenta ove vrste i sadržine.

## **II - OKVIRNI PLAN AKTIVNOSTI**

I u 2015.godini realno se očekuje dalji pad povoljnih uslova za razvoj, a što je posljedica globalne ekonomske krize prisutne u svim sferama života i rada, nastavljanje ranije započetog trenda štednje u lokalnoj administraciji i poslovanju uopće, kao i smanjenje priliva sredstava sa drugih nivoa vlasti. Ovo posljednje bilo je prisutno i ranijih godina, a naročito u toku 2013. i 2014.godine, pa su stoga i ova očekivanja, a kako je naprijed i navedeno, sasvim utemeljena.

U narednom periodu, koji je i predmet ovog planskog akta, nastavit će se raditi na poslovima i projektima koji su započeti u prethodnoj 2014.godini, a paralelno sa tim će se otpočeti i neki novi projekti i aktivnosti u oblastima u kojima je propisana nadležnost općine kao jedinice lokalne samouprave, odnosno u kojima je izražen interes općine.

2.

Pored redovnih poslova i aktivnosti, naročita pažnja će se obratiti na sljedeće:

- stvaranje što boljih uslova kako bi se omogućilo ulaganje u određene investicione projekte (privlačenje investitora)
- rad na realizaciji i implementaciji kapitalnih projekata
- njegovanje odnosa već uspostavljene saradnje sa Općinama i gradovima sa kojima je Općina Stari Grad Sarajevo zaključila sporazume o saradnji i paralelno uspostavljanje novih odnosa saradnje
- pristup IPA i drugim fondovima u cilju realizacije određenih projekata
- i dr.

U vezi sa naprijed navedenim u godini koja slijedi planira se:

**-početak realizacije Projekata:**

- a.)izgradnja podzemne garaže u Ul. Avdage Šahinagića**
- b.)izgradnja sportske dvorane u OŠ "Edhem Mulabdić"**
- c.)utopljavanje zgrade Općine Stari Grad Sarajevo**
- d.)nadzidivanje zgrade objekta Doma zdravlja Stari Grad Sarajevo**

Realizacija projekata navedenih pod tačkama a., b., c., i d. u direktnoj je vezi sa odobravanjem sredstava na ime kreditnog zaduženja kod Saudijskog fonda za razvoj kod kojeg je naša Općina aplicirala, a čija konačna odluka, prema raspoloživim informacijama, se očekuje u mjesecu martu ili aprilu 2015.godine.

**-početak realizacije Projekta izgradnje poslovnih prostora na lokalitetu Halvadžiluka**

Ovaj projekat, a koji je planiran u narednoj godini, uspjet će se realizirati po okončanju neophodnih kontakata sa nadležnim Zavodima, prethodnom ispitivanju imovinsko-pravne situacije u vezi sa zemljištem predmetnog lokaliteta, i sl. Sredstva koja bi bila neophodna za realizaciju planiranog obezbjedila bi se iz sredstava ostvarenih prodajom poslovnih prostora zakupcima, a sve to u skladu sa propisima koji tretiraju ovu oblast i stavom Općinskog vijeća koji će zauzeti po ovom pitanju. U svakom slučaju, nakon provođenja određenih prethodnih radnji i postupaka doći će se do saznanja o opravdanosti i izvodljivosti Projekta koji bi u svojoj konačnosti dao značajan doprinos razvoju Općine gledajući s aspekta izgradnje i stvaranja uslova za brži i efikasniji razvoj Općine.

**-Realizacija Projekta popločavanja Bašaršijskog trga**

Spremnost za pomoć pri realizaciji ovog projekta i ovaj put je iskazala Turska uprava za međunarodnu saradnju TIKa koja i dalje stoji na stanovištu da će učestvovati u ovom, za Općinu Stari Grad Sarajevo, važnom projektu, a čija konačna realizacija bi bila izvršena na bazi sufinansiranja Općina - TIKa.

Pretpostavka je da će, a kao što je naprijed i navedeno, finasijska podrška drugih nivoa vlasti ako ne izostati, onda u svakom slučaju biti i manja nego što je to bio slučaj sa 2014.godinom. Stoga, u budućem radu neophodno je osloniti se na iznalaženje vlastitih sredstava i paralelno s tim truditi se da prihodovna strana bude na nivou na kojem bude i planirana Bužetom Općine za 2015.godinu.

3.

Cijeneci naprijed navedeno uočljivo je da će se sve planirane aktivnosti koje su predviđene ovim Programom kretati u granicama objektivnog i mogućeg, a prije svega ovdje se misli na Budžet Općine Stari Grad za 2015. godinu kao i druge bitne pretpostavke koje se moraju ispuniti da bi se planirano u svojoj konačnici i moglo realizirati.

Također, nastavit će se i aktivnosti uključivanja Općine u sve postupke donošenja zakonskih i podzakonskih akata na svim nivoima vlasti i to kroz davanje sugestija, mišljenja i prijedloga na utvrđene nacрте i prijedloge akata kao i pokretanje postupaka ocjenjivanja zakonitosti već donesenih akata, ukoliko se za tim ukaže potreba ili ukoliko se utvrdi da je došlo do povrede prava na lokalnu samoupravu.

Saradnja sa svim nivoima vlasti, raznim organima, organizacijama i institucijama zadržat će se na nivou na kojem je i bila prisutna, s posebnim akcentom na redovite i kontinuirane kontakte sa nama susjednim gradskim Općinama : Centar, Novi Grad i Novo Sarajevo i to kroz praksu zajedničkih sastanaka na kojim se vrši razmjena mišljenja, iskustava te utvrđuju osnove za zajedničko djelovanje u svrhu rješavanja određenih pitanja koja su od značaja za općinu kao jedinicu lokalne samouprave.

U periodu koji je pred nama baviti ćemo se i : radom na socijalnim programima ( u mjeri u kojoj je to i neophodno), rješavanju pitanja mladih, stvaranju uslova za uspostavljanje što bolje i efikasnije administracije i sl.

Nastojat će se i da se doprinese stvaranju što boljih uslova za rad kroz tekuće održavanje objekta zgrade Općine, a za koje se ocjenilo da je neophodno, kao npr.: rekonstrukcija kanalizacionih vertikala u objektima "A" i "B" zgrade Općine, rekonstrukcija vodovodne mreže u objektima "A" i "B" zgrade Općine, rekonstrukciju postojeće kotlovnice sa svim pratećim radovima, i dr.

Naprijed navedeno predstavlja okvirni plan aktivnosti za 2015. godinu s tim što je svaka pojedina oblast posebno razrađena u daljem tekstu Programa.

## **PALNIRANE AKTIVNOSTI PO OBLASTIMA**

### **III - OBLAST INVESTICIJA, KOMUNALNIH I INSPEKCIJSKIH DJELATNOSTI**

U oblasti investicija, komunalnih i inspeksijskih djelatnosti planirane su sljedeće aktivnosti:

-iniciranje i učestvovanje u izradi planova, programa i investicionih projekata od interesa za Općinu što podrazumjeva i obavljanje pripremnih radnji , pribavljanje i izrada potrebnih tehničkih podloga, izrada projektnih zadataka, koordinacija i saradnja sa projektantskim biroima i izvođačima radova prilikom realizacije projekata, investicija;

-saradnja sa nadležnim organima i institucijama, i to naročito sa: nadležnim ministarstvima, direkcijama, kao i općinskim službama / sektorima

-izrada novog prijedloga - "Elaborata lokaliteta za korištenje javnih površina na području Općine Stari Grad Sarajevo za 2015. godinu" i njegovog dostavljanja na usaglašavanje Ministarstvu saobraćaja Kantona Sarajevo – Direkciji za puteve

-poslovi na realizaciji programa zimskog održavanja saobraćajnica za sezonu 2014-2015. godina

-poslovi zimskog i ljetnog održavanja ( ulice koje je do sada održavalo Ministarstvo saobraćaja –

4.

Direkcija za puteve Kantona Sarajevo prelazi u nadležnost Općine Stari Grad)

-pojačan inspekcijski nadzor u oblasti bespravne gradnje i njenom sprječavanju

-pojačan inspekcijski nadzor u oblasti komunalne djelatnosti

-pojačan inspekcijski nadzor u oblasti privremenog korišćenja javnih površina na području

Općine

-investicioni projekti:

a.)sanacija i popločavanje ulice Strošići – II faza ( sufinansiranje Općina – Kanton – Direkcija za ceste)

b.)adaptacija spomenika kulture u ulici Saburina br. 6 – III faza

c.)popločavanje Bašćaršijskog trga ( sufinansiranje Općina - TIKA)

d.)izgradnja podzemne garaže u Ul. Avdage Šahinagića

e.)izgradnja sportske dvorane u OŠ “Edhem Mulabdić”

f.)utopljanje zgrade Općine Stari Grad Sarajevo

g.)nadziđivanje zgrade objekta Doma zdravlja Stari Grad Sarajevo

(projekti pod d., e., f., g. realizovat će se ukoliko u toku 2015.godine, a prema realnim očekivanjima, bude odobreno kreditno zaduženje Općine kod Saudijskog fonda za razvoj)

-izgradnja igrališta na Boguševcu - I faza

-sanacija ploča na šetnicama – MZ Bašćaršija

-asfaltiranje ulica: Faletići do starog i Bakijskog mezarja, Alije Nametka, Brusulje od br.37, Sedrenik od br.139-141, Nova Baruthana – I krak i Nova Baruthana – II krak, Mihrivode, Mahmutovac, Kamenica 20-38, Kamenica 47-53, Mali Sedrenik br.57, Nevjestina, Goloderica, Rogina od br.139-155, i dr.

-krpljenje udarnih rupa

-popločavanje i kaldrme: Budakovići čikma – sanacija kaldrme, Požegina, Balibegovica od br.21-28., Tandareva do br. 14, Na Varoši, i dr.

-potporni zidovi: Močila br.8., Mošćanica ispod ceste (tri zida), Krka od 1-5, Bistrik brijeg br.6., Hendina br.4., Boguševac čikma, Ispod grada 25., Obhodža, Kamenica 30, Mahmutovac do br.47, i dr.

-vodovod i kanalizacija:Čeljigovići od džamije do tranzita, Dariva – put Sarajevskih gazija, Balibegovica, Mihrivode, Višegradska kapija, i dr.

-rukohvati – putni odbojnici: Podcarina iza br.55., Muje Hrnjice od br.10-24, S.Zolja kod br.50, Hladivode od br.1-3, Bostarići preko puta br. 87, Paje čikma od br 6 – 10, Mahmutovac od br 1-5

-sanacija i održavanje postojećih rukohvata

-odbojne ograde: Iza Hrida kod br.14, Jarčedoli od br. 41-47, Brusulje kod br.10, Obhodža kod br.6.

-izgradnja niša za smeće: Put mladih muslimana do br.55, Kamenica do br.27.

-postavljanje i održavanje horizontalne i vertikalne signalizacije, signalizacije ispred škole, i dr

-sanacija javne rasvjete na području MZ-a Starog Grad i njeno održavanje

-projekat numerisanja kuća: ulice – Mošćanica, Donje Biosko, Gornje Biosko, Dolovi, Timurhanova, Turbe, Brdovita, Kriva, Barice, Čebedžije, Firdusbegova, Ispod grada, Ispod orha, Medrese, Hendek, Pirin brijeg, Nova Mahala, i dr.

-uređenje Aleje ambasadora:

-i dr.

5.

#### **IV - OBLAST PRIVREDE, POSLOVNIH PROSTORA, POLJOPRIVREDE I VETERINARSTVA**

U oblasti privrede, poslovnih prostora, poljoprivrede i veterinarstva planirane su sljedeće aktivnosti:

-pojačana kontrola stanja i korištenja poslovnih prostora, kontrola stanja neaktivnih poslovnih prostora i slobodnih poslovnih prostora te sagledavanje stanja poslovnih prostora (premjer, etažiranje, skiciranje, i dr)

-kontinuirana kontrola naplate zakupnina po osnovu korištenja poslovnih prostora uz prioritetan zadatak ispunjenja plana naplate zakupnina u skladu sa planom Budžeta za 2015. godinu

-praćenje i naplata evidentiranih zaostalih dugovanja

-pojačane aktivnosti na praćenju već utuženih zakupaca poslovnih prostora, kao i praćenje provođenja izvršnih presuda koje još uvijek nisu provedene

-sačinjavanje programskih mjera i aktivnosti u cilju dovođenja neuslovnih poslovnih prostora u funkciju

-aktivnosti u oblasti poljoprivrede, plastenička proizvodnja, aktivnosti u oblasti stočarstva, pčelarstva i druge slične aktivnosti (Projekti: "Proizvodnja u plastenicima", "Razvoj pčelarstva na području Općine Stari Grad Sarajevo", "Stimulisanje stočarske proizvodnje", hortikulturno uređenje javnih površina na području Općine, realizacija LEAP-a, i dr.)

-aktivnosti u oblasti veterinarstva sa posebnim akcentom na zbrinjavanje pasa lutilica (nezbrinutih životinja) u smislu iznalaženja dodatnih rješenja i praćenje stanja u ovoj oblasti, kao i aktivnosti na realizaciji Projekta "Azil za napuštene pse u Kantonu Sarajevo", kao i Projekta "Sterilizacije pasa na području Općine"

-i dr.

#### **V - OBLAST URBANIZMA I PROSTORNOG PLANIRANJA**

U oblasti urbanizma i prostornog planiranja obezbjedit će se, a kao i uvijek do sada, aktivno učešće Općine u prostornom planiranju sa nosiocima :

-izrade planova prostornog uređenja - Zavodom za planiranje razvoja Kantona Sarajevo

-nosiocima pripreme - Gradskom upravom

-i drugim subjektima planiranja

-po dinamici predviđenoj u proceduri izrade prostorno – planske dokumentacije organizovat će se javne tribine i javne rasprave, a koje će se odnositi na izradu planova prostornog uređenja:

1.Regulacioni plan "Alifakovac – Babića bašta"

2.Regulacioni plan "Jarčedoli"

-poslovi na pripremi i provođenju postupka oglašavanja za dodjelu lokacija za slobodnostojeće ljetne bašte, a sve u skladu sa važećim propisima

-pristupit će se izmjenama Cjenovnika troškova tehničkog pregleda objekata za 2015. godinu

6.

## **VI - IMOVINSKO – PRAVNA I STAMBENA OBLAST**

U imovinsko – pravnoj oblasti planirane su sljedeće aktivnosti:

- praćenje stanja i problematike u oblasti propisa koji se primjenjuju u ovoj oblasti te davanje sugestija i prijedloga na nacрте i prijedloge zakona iz ove oblasti
- pojačane aktivnosti na iznalaženju lokacija koje bi se putem Konkursa mogle ponuditi na prodaju u skladu sa zakonskim i podzakonskim aktima koji regulišu ovu oblast
- iznalaženje zakonske mogućnosti uknjižbe svih nekretnina koje predstavljaju vanknjižno vlasništvo Općine Stari Grad
- aktivnosti na popisu cjelokupne pokretne i nepokretne imovine Općine
- pojačane aktivnosti na uklanjanju uočenih grešaka koje su nastale u postupku digitalizacije geodetskih podloga a u svrhu uspostavljanja jedinstvenog softvera koji objedinjuje alfanumeričke podatke sa grafičkim podacima
- praćenje i primjena propisa u stambenoj oblasti i oblasti otkupa stanova
- pojačan rad i aktivnosti na primjeni Zakona o prodaji stanova na kojima postoji stanarsko pravo (otkup nacionalizovanih/konfiskovanih stanova te stanove privatiziranih preduzeća kao i stanove za koje se utvrdi da je prodavatelj nepozna)
- pripremne aktivnosti u vezi sa postupkom kompletiranja Zakona o prodaji stanova, i to dio koji se odnosi na zamjenske stanove
- poslovi na nastavku realizacije projekta izgradnje stanova za interno raseljene osobe na Gazinom hanu, a koji projekat se radi u saradnji sa humanitarnom organizacijom “Hilfswerk” Austria
- intezivan rad na iznalaženju lokacije za socijalno ugrožene porodice, a vezano za projekat donatora evropske komisije za dodjelu finansijskih sredstava za implementaciju Projekta “Sistem socijalnog stanovanja SHS” već napravljen prijedlog za ukupno trinaest (13) porodica koje će po izvršenom bodovanju i provedenom postupku biti smještene u objekat koji se planira graditi (ukupno šest (6) stambenih jedinica)
- aktivnosti na zbrinjavanju romskih porodica
- i dr

## **VII - OBLAST OPĆE UPRAVE**

U oblasti opće uprave, pored redovnih poslova i radnih zadataka, naročita pažnja će se posvetiti sljedećim aktivnostima:

- dosljedna primjena nove pravne regulative iz oblasti vođenja matičnih knjiga (Zakon o matičnim knjigama) .Zakonom o izmjenama i dopunama Zakona o matičnim knjigama (“Službene novine Federacije BiH”, broj 80/14) matične službe su dobile u nadležnost i poslove upisa novorođene djece prema mjestu prebivališta majke, tako da će se sva novorođenčad sa naše Općine upisati u matične knjige našeg matičnog ureda, a intezivirat će se i sve druge aktivnosti na daljnjoj realizaciji i drugih poslova koji su prešli u isključivu nadležnost općinskih matičnih ureda.
- poboljšanje uslova smještaja arhivske građe kroz nabavku “vozića” za arhivsku građu, a u skladu sa Zakonom o arhivskoj građi
- stručno usavršavanje i educiranje matičara i drugih službenika raspoređenih na poslove

7.

matičnog ureda ( tri nivoa edukacije: unutar organa, edukacije koje će vršiti Kantonalni MUP i edukacije Federalnog MUP-a)

- nastavak aktivnosti na realizaciji Projekta “Elektronski popis”
- i dr.

## **VIII - OBLAST OBRAZOVANJA, KULTURE, SPORTA I LOKALNOG RAZVOJA**

U oblasti obrazovanja, kulture, sporta i lokalnog razvoja planirane su sljedeće aktivnosti:

### **Obrazovanje:**

#### **Predškolski odgoj i obrazovanje**

- sagledavanje stanja, praćenje i podsticanje aktivnosti iz oblasti predškolskog obrazovanja, te predlaganje mjera u cilju unapređenja odgojno – obrazovnog rada u predškolskim ustanovama
- utvrđivanje politike predškolskog odgoja i obrazovanja (obavezni i neobavezni)
- unapređenje rada predškolskih ustanova i kvaliteta usluga
- praćenje, usklađivanje i provođenje reformi u predškolskom odgoju i obrazovanju u skladu sa Zakonom
- analiza stanja objekata i uslova rada predškolskog odgoja na lokalitetu Općine u cilju poboljšanja kvaliteta usluga u predškolskim ustanovama
- saradnja sa JU “Djeca Sarajeva” - vrtićima na području Općine i rad na edukativno propagandnim projektima
- i dr.

#### **Osnovni odgoj i obrazovanje**

- izrada Strategije razvoja u osnovnom odgoju i obrazovanju
- sagledavanje stanja, praćenje i podsticanje aktivnosti iz oblasti osnovnog odgoja i obrazovanja
- praćenje, usklađivanje i provođenje reformi u osnovnom obrazovanju u skladu sa Zakonom
- realizacija projekata u saradnji sa organizacijama civilnog društva s ciljem pružanja pomoći djeci s posebnim potrebama uključenoj u redovni odgojno-obrazovni rad
- koordinacija i pružanje podrške Mobilnim timovima (defektolog, psiholog, pedagog, logoped, socijalni radnik) u zavodu “Mjedenica” i Centru “Vladimir Nazor” za pomoć djeci s posebnim potrebama uključenoj u redovni odgojno-obrazovni proces
- aktivnosti u vezi s realizacijom polaganja eksterne mature na području Općine
- praćenje upisa, uspjeha i vladanja djece kroz redovite izvještaje
- aktivnosti u vezi sa realizacijom određenih projekata, kao npr. “Knjiga je moj najbolji prijatelj”, “Dobro došli đaci prvaci 2015.”, manifestacija znanja “Neum” 2015. godine, “Škola plivanja” za školsku 2014/15 godinu u saradnji sa JU Olimpijski bazen “Otoka”, projekat “Civitas”, historijski čas “Da se ne zaboravi Srebrenica”, projekat ispraćaja maturanata “Novi početak u vašem životu”, i drugi slični projekti i aktivnosti
- opremanje škola neophodnim učilima
- pripreme i realizacija općinskih takmičenja učenika osnovnih škola u saradnji sa Prosvjetno



8.

- pedagoškim zavodom iz nastavnih predmeta u skladu sa Zakonom za školsku 2014/15. godinu
- dodjela stipendija nadarenim učenicima
- organizovanje i realizacija historijskog časa “Da se ne zaboravi Srebrenica”
- organizacija i realizacija projekta razmjene učenika osnovnih škola iz Općine Stari Grad i Općine Karpoš – Skoplje (Republika Makedonija)
- priprema i objavljivanje javnog poziva za finasiranje/sufinasiranje projekata organizacija civilnog društva u 2015.godini koji će biti realizovani na području Općine i u korist građana ove lokalne zajednice
- i dr.

### **Kultura**

- učešće u organizaciji tradicionalnih kulturnih manifestacija : Sarajevo film Festival, Bašaršijske večeri, Sarajevska zima, MESS, Balet fest, Dani Krleže, Međunarodni festival folklor, Sarajevski dani poezije
- organizovanje druženja učenika likovnih i eko sekcija osnovnih škola (“Boje jeseni” i “Miris proljeća”)
- manifestacija “Old timer” - doprinos realizaciji manifestacije
- saradnja sa organizacijama civilnog društva u projektima iz oblasti kulture
- i dr.

### **Sport**

- aktivnosti na projektovanju sportskih i rekreacionih objekata
- organizovanje rekreacije za sve dobne i polne strukture
- sport invalidnih lica
- sport u osnovnim školama
- projektovanje i izgradnja sportskih i rekreacionih objekata ( izgradnja sportske sale OŠ “Mula Mustafa Bašeskija”, projektovanje i izgradnja sportskih igrališta (Sportski centar “Bijela bašća” na području MZ “Medrese”, zaokruženje projektne dokumentacije za izgradnju velikog nogometnog terena u Kasarni “Faletići”
- pomoć pri organizaciji sportskih takmičenja koje organizuju škole i nevladine organizacije
- organizacija Lige osnovnih škola u malom fudbalu i Žensku odbojkašku ligu osnovnih škola Starog Grada
- Organizacija Škole skijanja “Igman 2015”, početni kurs koji će besplatno obučiti 200 učenika osnovnih škola Starog Grada
- organizacija sportskih manifestacija ( Malonogometni turnir “Šehidima, poginulim borcima i RVI Stari Grad”, stonoteniserski turnir povodom Dana Općine, sportski susreti invalida Stari Grad povodom 25.novembra, Božićni turnir u malom nogometu, Sjećanje na Denisa Mrnjavca, i dr., malonogometni turniri, stonoteniserski turniri, Bajramski turnir, Božićni turnir, šahovski memorijal “Jedan je Hase”, i sl)
- i dr.

### **Lokalni razvoj**

- realizacija projekta “Solarna elektrana”
- izrada projekta za selektiranje komunalnog otpada
- izrada biciklističkih parkirališta

9.

-kreiranje turističke ponude za kulturno-historijske objekte (minihodočašće, turističkim stazama Bašćaršije, putevima multietničke duhovne kulture grada Sarajeva, gastronomska šetnja Bašćaršijom, priče o 7 ćuprija – mostova, i dr)

-avanturistički turizam korištenjem mogućnosti za zmajarenje, paragliding, brdski biciklizam, speleološka istraživanja, te alpinističke stijene Babin zub

-promocija raspoloživih programa sufinansiranja privrednika u svrhu zapošljavanja ( izrada vodiča, Edukacija građana za zapošljavanje, podrška OCD-ovima u dizajniranju trening programa)

-osnaživanje međuopćinske i regionalne saradnje kroz realizaciju zajedničkih projekata (sajam zanata i turističkih agencija s pobratimskim općinama, promocija kulturnog identiteta manjina, i sl)

-jačanje kapaciteta za saradnju sa organizacijama civilnog društva i mladima

-jačanje općinskih kapaciteta za pripremu i realizaciju projekata

- i dr.

## **IX - OBLAST CIVILNE ZAŠTITE**

U oblasti civilne zaštite planirane su sljedeće aktivnosti:

-poslovi na daljem ažuriranju Plana zaštite i spašavanja ljudi i materijalnih dobara od prirodnih i drugih nesreća

-poslovi na ažuriranju Procjene ugroženosti Općine od prirodnih i drugih nesreća

-planiranje i poduzimanje preventivnih mjera na umanjenju opasnosti od prirodnih i drugih nepogoda (snijeg, požari isl.)

-evidentiranje bespravno izgrađenih objekata koji predstavljaju smetnju i opasnost za stanovnike Općine i njihova materijalno tehnička dobra i u saradnji sa drugim službama otklanjati potencijalne opasnosti

-poslovi obilježavanja objekata koji ugrožavaju živote i imovinu Općine

-pojačan rad i kontrola stanja ispravnosti svih skloništa na području Općine

-aktivnosti na pojačanom, stalnom i kontinuiranom praćenju situacije na području Općine, a koja se tiče kako ruševnih objekata tako i klizišta i drugih sličnih situacijama

-deratizacija, dezinfekcija i dezinsekcija područja Općine Stari Grad Sarajevo

-i dr.

## **X - OBLAST BORAČKO-INVALIDSKE ZAŠTITE**

U oblasti boračko – invalidske zaštite planirane su sljedeće aktivnosti:

-nastavak poslova na ličnoj identifikaciji korisnika prava u ovoj oblasti kao i ažuriranje ličnih podataka ( novembar 2015. godine)

-aktivnosti povodom obilježavanja značajnijih datuma u periodu 1992. -1995. godine, kao i aktivnosti u obilježavanju Dana Općine, državnih i vjerskih praznika

-podjela novčane pomoći – hedije, prehrambenih paketa kao i druge vrste jednokratne pomoći šehidskim porodicama, RVI i demobilisanim borcima sa područja Općine

10.

- stipendiranje djece boračke populacije (srednjoškolaca i studenata) u skladu sa važećim Pravilnikom i planiranim sredstvima u Budžetu Općine za 2015.godinu
- saradnja sa boračkim organizacijama i udruženjima registrovanim na Općini kao i poslovi na realizaciji javnog oglasa za finansiranje redovne djelatnosti boračkih udruženja
- i dr.

## **XI - OBLAST SOCIJALNE ZAŠTITE**

U oblasti socijalne zaštite planirane su sljedeće aktivnosti:

- nastavak redovnih aktivnosti u vezi sa ostvarivanjem prava na dječiji dodatak kao i obnova prava na dječiju zaštitu za sve korisnike u periodu septembar – oktobar 2015.godine,ostvarivanje prava za porodilje, i sl.
- isplata jednokratne novčane pomoći porodiljama sa područja Općine,a sve u skladu sa planom Budžeta Općine za 2015. godinu
- poslovi na rješavanju statusnih pitanja lica iz kategorije izbjeglih i raseljenih lica
- isplata jednokratne novčane pomoći socijalno ugroženoj kategoriji stanovništva kao i pomoći za liječenje i nabavku lijekova u skladu sa važećim Odlukama
- zajedničke akcije pomoći socijalno najugroženijim kategorijama u saradnji sa Centrom za socijalni rad i humanitarnim organizacijama
- i dr.

## **XII - ODNOSI SA JAVNOŠĆU**

U oblasti odnosa sa javnošću planirane su sljedeće aktivnosti:

- nastavak saradnje sa medijima koji su u toku 2014.godine pratili rad Općine i izvještavali javnost o tome
- informisanje javnosti kroz saradnju sa medijima
- informisanje javnosti o radu Općine putem web stranice ( [www.starigrad.ba](http://www.starigrad.ba))
- priprema i organizovanje pres konferencija, prezentacija, promocija, i sl. u cilju informisanja javnosti o aktivnostima Općine
- izrada biltena Općine “Starogradski haberi”, tromjesečno ( 4 puta godišnje), tiraž: 3000 komada
- prezentacije i promocije u Info-press centru Općine i stavljanje ovog centra u puni kapacitet rada i promocije
- instaliranje novih sadržaja na web stranici Općine
- ažuriranje i održavanje kompletnih servisa (Facebook page Općine i Youtube profil)
- ažuriranje sadržaja na Intranet stranici
- aktivnosti na brizi i evidenciji o poštovanju odredbi Ugovora o isporučivanju starogradskog suvenira “Sarajevska kocka”
- izrada idejnih rješenja i proprema pozivnica, plakata ( Dani Općine Stari Grad), zahvalnica, i sl.
- i dr.

#### **XIV - OBLAST MZ**

U oblasti MZ -a planirane su sljedeće aktivnosti:

- aktivnosti na daljem jačanju MZ
- intezivna saradnja sa nadležnim općinskim službama na realizaciji planiranih projekata asfaltiranja, krpljenja udarnih rupa, sanaciji stambenih jedinica, i sl.
- nastavak intezivne saradnje sa PS Stari Grad sa ciljem povećanja stepena bezbjednosti građana, te podsticanje građana na učestvovanje u projektima “Nadziranje susjedstva” , “Rad policije u zajednici” , i sl.
- suradnja sa Lot timovima IFOR-a
- saradnja (u granicama objektivnih mogućnosti) sa nadležnim ustanovama za azile (provođenje akcije kastracije i smještaja agresivnih pasa)
- nastavak saradnje i koordinacije sa kuhinjom Crvenog križa, Narodnom kuhinjom “Stari grad”, općinskim Centrom za socijalni rad, Domom zdravlja Stari Grad i Centrom za mentalno zdravlje
- animiranje djece i omladine da se kroz sportske i kulturno – zabavne aktivnosti preventivno djeluje na sprečavanju i širenju konzumiranja alkohola, opojnih droga, i sl.
- provođenje adekvatnih aktivnosti po MZ u suradnji sa NVO i Udruženjima: sastanci, edukacije, pozorišne predstave, plesne škole, folklorne skupine, stolni tenis, i sl.
- pojačane aktivnosti na daljem jačanju pomoći građanima i lakšem pristupu u cilju rješavanja određenih pitanja iz nadležnosti Općine, kao i drugih nivoa vlasti
- i dr.

#### **XV – OBLAST INFORMACIONIH SISTEMA**

U Oblasti informacionih sistema planirane su sljedeće aktivnosti:

- Poboljšanje i održavanje postignutog stepena funkcionalnosti servisa IT , i to : poboljšanje mrežnih servisa (LAN WAN, Internet i Intranet)
- nabavka i implementacija alata za Monitoring, web sigurnost i kontrolu pristupa
- održavanje kontinuiteta korištenja legalnog softvera
- konsolidacija ispisa u Općini
- aktivnosti na pojačanom korištenju sopstvenih resursa u informatičkoj oblasti
- nastavak podrške “korisnicima” aplikacija koje su “spuštene” sa drugih nivoa vlasti
- održavanje recertifikacijskog audita krajem 2015.godine
- i dr.

#### **XVI – OBLAST REVIZIJE (INTERNA REVIZIJA)**

U Oblasti interne revizije ( čiji je osnovni cilj unapređenje poslovanja Općine i to kroz sistem inetrnih kontrola i s tim u vezi davanje neovisnih i objektivnih preporuka za ispunjavanje naprijed navedenog cilja ) utvrđen je Godišnji plan interne revizije za 2015.godinu, a koji je izrađen na osnovu Strateškog plana interne revije za period 2015. - 2017. godina Na osnovu utvrđenog Godišnjeg plana utvrđena su i revizijska područja za 2015.godinu, i to;

12.

- rad i funkcionisanje mjesnih zajednica
- korištenje službenih vozila
- rad općinskih komisija

Ostale planirane aktivnosti interne revizije:

- praćenje ostvarivanja i ažuriranja Strateškog plana interne revizije za period 2014-2017.godina
- praćenje ostvarivanja godišnjeg plana interne revizije za 2015.godinu
- kontinuiranom praćenje provođenja preporuka datih u izvještajima u obavljenim revizijama
- i dr.

U 2015.godini interna revizija će naročito biti usmjerena na:

- osiguranje efikasne i učinkovite interne revizije u Općini
- usklađivanje rada interne revizije sa Zakonima o internoj reviziji, Etičkim kodeksom, Standardima i metodologijom rada koja proizilazi iz međunarodnih revizorskih standarda IIA, dobrim praksama država u okruženju i metodologijom rada koju je usvojila Centralna harmonizacijska jedinica (CHJ) i uputstvima Ureda za reviziju institucija BiH
- pojačane aktivnosti na radu interne revizije u Općini
- i dr.

## **XVII - PRIJEDLOZI OPĆIH I POJEDINAČNIH AKATA, IZVJEŠTAJA I INFORMACIJA ZA OPĆINSKO VIJEĆE**

Planirane aktivnosti u segmentu predlaganja općih i pojedinačnih akata, izvještaja i informacijama u 2015.godini su sljedeće:

- Prijedlog Odluke o visini naknade za pogodnosti gradskog građevinskog zemljišta – rente na području Općine Stari Grad Sarajevo za 2015.godinu
- Prijedlog Odluke o utvrđivanju visine naknade za građevinsko, poljoprivredno i gradsko građevinsko zemljište za 2015. godinu
- Prijedlog Odluke o vidovima socijalne zaštite koji se finansiraju iz Budžeta Općine Stari Grad Sarajevo
- Prijedlog Pravilnika o visini i načinu isplate jednokratne novčane pomoći porodiljama
- Prijedlog Odluke o privremenom korišćenju javnih površina na području Općine Stari Grad Sarajevo
- Nacrt Budžeta Općine za 2016.godinu
- Prijedlog Budžeta Općine za 2016.godinu kao i prijedlozi drugih pratećih Odluka i drugih akata vezanih za proces budžetiranja
- Prijedlog rebalansa Budžeta kao i Odluka o preraspodjeli sredstava ( po potrebi)
- Izvještaji o realizaciji Budžeta Općine za 2015.godinu
- Izvještaj o broju upisane djece u prve razrede osnovnih škola za školsku 2015/16.godinu
- Informacija o izvršenim hitnim intervencijama na zgradama
- Informacija o vršenju inspekcijaskog nadzora u oblasti urbanizma i građenja

13.

-Informacija o stanju komunalne čistoće na području Općine  
-Informacija o aktuelnim pitanjima iz oblasti socijalne zaštite  
-Informacija o uspjehu i vladanju učenika na kraju prvog polugodišta školske 2015/16.godine,  
kao i na kraju školske 2015/16. godine

-Informacije o provođenju općinskih odluka iz oblasti:

imovinsko – pravna oblast  
stambena oblast  
oblast poslovnih prostora  
oblast urbanizma  
oblast boračko – invalidske zaštite  
oblast socijalne zaštite  
oblast komunalnih djelatnosti  
oblast inspeksijskog nadzora  
oblast obrazovanja, kulture, sporta i lokalnog razvoja  
oblast lokalnog razvoja  
kao i sve druge oblasti na koje se odnose donesene općinske Odluke

-Informacija o pripremljenosti za zimsko održavanje saobraćajnica na području Općine Stari Grad Sarajevo  
-kao i drugi prijedlozi općih i pojedinačnih akata, izvještaja i informacija.

Naprijed pobrojane aktivnosti predstavljaju samo dio planiranih aktivnosti u ovoj oblasti. Najveći dio ovih aktivnosti bit će naveden u Programu rada Općinskog vijeća, a u slučaju da se ukaže potreba određeni prijedlozi općih i drugih akata bit će predmet razmatranja Općinskog vijeća.

## **XVIII - ZAVRŠNI DIO**

Pravni osnov za donošenje Programa rada Općinskog Načelnika sadržan je u Statutu Općine Stari Grad Sarajevo i obavezi Općinskog Načelnika da Općinskom vijeću prezentira svoje programske aktivnosti.

Programske aktivnosti Općinskog Načelnika su planski akt i polazna osnova za izradu Programa rada Općinskog Vijeća.

Po svom karakteru i sadržaju ovo je i okvirni akt koji će se kretati u okvirima objektivnih potreba i realnih mogućnosti Budžeta Općine Stari Grad Sarajevo za 2015.godinu.

U vezi sa naprijed navedenim Općinski Načelnik prezentira Općinskom vijeću Stari Grad Sarajevo Program rada za 2015.godinu.

**OPĆINSKI NAČELNIK**  
**mr.Ibrahim Hadžibajrić,s.r.**

## S A D R Ž A J

1.Uvodni dio .....	str. 1.
2.Okvirni plan aktivnosti.....	str. 1. - 3.
3.Oblast investicija,komunalnih i inspeksijskih poslova.....	str. 3. - 5.
4.Oblast privrede,poslovnih prostora,poljoprivrede i veterinarstva....	str. 5.
5.Oblast urbanizma i prostornog planiranja .....	str. 5.
6.Imovinsko-pravna i stambena oblast.....	str. 6.
7.Oblast opće uprave.....	str. 6. - 7.
8.Oblast obrazovanja, kulture, sporta i lokalnog razvoja.....	str. 7. - 9.
9.Oblast civilne zaštite.....	str. 9.
10.Oblast boračko-invalidske zaštite.....	str. 9. - 10.
11.Oblast socijalne zaštite.....	str. 10.
12.Odnosi sa javnošću i oblast turizma.....	str. 10.
13.Oblast MZ.....	str. 11.
14.Oblast informacionih sistema.....	str. 11.
15.Oblast revizije (interne revizije).....	str. 11. - 12.
16.Prijedlozi općih i pojedinačnih akata, Izveštaja i Informacija za OV.....	str. 12. - 13.
17.Završni dio.....	str. 14.